



1613_080.jpg



1613_081.jpg



111.

Seconde Continuation.

81


Ce ne furent depuis que continuations de festins & banquets, jeux, artifices, comedies, & courses. Pour les festins & banquets, il s'en fit lors vn entre-autres où ils estoient cinq mille cinq cets personnes à table. Le 9. Iuin on fit de tres-beaux feux d'artifice sur le Neccar. Et le 10. on courut la bague par compagnies sous le nom de diuerses natiōs. L'Esleeteur conduisoit les Argonautes ou Cheualiers de la Toizō. Le Marquis d'Olnosbac, ceux de Mars & Venus. Les Ducs de Vittēberg vestus en anciens Germains estoient conduits par Arioniste. Et les Princes Frideric & Iean Palatins auoient leurs troupes d'Amazones. En fin les Courses & recreations acheuees, le 12. Iuin tous ces Princes & Seigneurs s'en retournerent chacun en leurs maisons, & prirent congé de l'Esleeteur & de la Princesse sa femme.

Le Comte de Candale, fils aîné du Duc d'Espernon, ayant veu l'annee pâsee la Cour de l'Empereur, voulut (comme font les Grands Seigneurs, qui ne desirent que les hautes entreprises) voir la guerre maritime que le Grand Duc de Toscane faisoit au Grand Turc : Et pource qu'il eut aduis que les Galeres du Grand Duc partoient de Liurne sur la fin de Mars, il se rēdit à Ciuita Vecchia avec les sieurs de Cypierre, de Themines, de Momberault, des deux freres de la Tour, d'Auenes, Deltour, du Plessis, de la Motte-Magnas, de saint Cyre, de Monplaisir, de Loyerres, de Vic, de la Boissiere, de Verneuil, & de Villandrē.

*Des exploits
que firent les
Galeres du
Grand Duc
de Toscane
sur les Turcs,
& de la prise
d'Agliman
en Carmanie.*

F

1613_082.jpg



1613_083.jpg

Seconde Continuation.

83


Le dixiesme ces galeres furent à Messine, & le quatorziesme elles en partirent, s'estans bien rafraichies, & pourueuës de cōmoditez pour leur voyage. Iusques au vingt-sixiesme elles allerent courant l'Archipelague, sans faire chose qui merite. L'entreprise que l'Admiral auoit faicte sur vne petite ville de la Natolie nommee Ieronda, qu'on tient estre la Gerunda dont font mention les anciens, il prit terre à la faueur du silence & de l'obscurité de la nuit: Mais estant entré en ceste ville avec l'ordre requis, le lendemain matin il en sortit sans rien faire, ayant trouué la place abandonnee des habitans, qui plusieurs mois deuant s'estoient retirez ailleurs ayans crainte de telles surprises.

L'Admiral faisant poursuiure le voyage vers le Leuant, iusques au treiziesme May il ne luy reüssit autre chose que la prise de trois Chan- *Prise de trois vaisseaux Turcs.* quis, qui sont vaisseaux gros comme Caravans, & de quelques autres vaisseaux de moindre grandeur.

Le matin du quatorziesme, les Galeres se treuuerent pres de Namur, lieu qu'elles auoient autresfois ruyné; on prit celà pour bon augure, & l'Admiral eut esperance d'auoir Agliman. Prenant ceste route le matin enuiron l'aube du iour, on descouurit vn vaisseau à dix mille de là. L'Admiral, qui scauoit bien la difference qu'il y a entre surprendre, & donner la chasse, ce vaisseau estant tenu pour Galere à cause de la forme de la voile, tint conseil pour prendre aduis si on luy donneroit la chasse ou

f ij

1613_084.jpg



1613_085.jpg

Seconde Continuation.

85

que de plus de vingt mille, & qu'elle se retireroit
à grand haste dans le Port d'Agliman: De là
l'Admiral iugea qu'il auoit esté descouvert
en donnant la chasse au vaisseau Grippe. Là
dessus il douta fort de son entreprise, & s'il la
deuoit poursuiure, ou bien se reseruer à meil-
leure occasion; mais nonobstant quelques aduis
cōtraires il se resolut qu'elle seroit poursuiuie.


Pour cest effect il fit tirer vers le Port Caua-
lier, distant d'Agliman enuiron douze mille, &
y arriuant enuiron les six heures du soir il se
mit à vne pointe fort cōmode, & fort cachee,
en deliberation de partir la nuit à heure de
pouuoir faire le desbarquement en tēps oppor-
tun & assésuré. Sur la fin de la nuit il enuoya la
felouque pour recognoistre. Au bout de deux
heures, quelque peu plus, elle retourna & rap-
porta que tout le pays estoit en armes, les mu-
railles d'Agliman garnies de force gens ar-
mez, la caualerie à l'entour, & les deux Galle-
res avec deux autres vaisseaux dans le Port.

L'Admiral fit lors vn grand doubte, s'il passe-
roit outre, mais nonobstant la grande appa-
rence du peril, il delibera d'exécuter sa pre-
miere resolution, & d'enleuer ceste forteresse.

Il s'achemine donc enuiron les trois heures
de nuit en profond silence, & deuant les six
heures du matin, le desbarquement fut faict
loing du Port d'Agliman enuiron vn mil & de-
my. Le Seigneur Iulio Montauro descendit le
premier en terre avec le Comte de Candale, &
quelques autres, pour recognoistre le pays: Et

f iij

1613_086.jpg



1613_087.jpg

Seconde Continuation.

87

tié du dehors qui est vers le Midy, est la premiere porte. La 2. est en la face de dedans tournée au Couchant. La troisieme tour est pareillement moitié dedans, & moitié dehors du mesme costé, quelques deux cents pas loing de la seconde: entre l'une & l'autre est vne des moyennes assise au dehors. La 4. est à la cime & pointe susdite, & faict l'encogneure, & est toute dedans. A la descente de la montagne vers le Ponant, sont les deux autres demies tours esgalement distantes de la cinquiesme, qui est moitié dedans, & moitié dehors, & opposée directement à celle de la porte. Il y a cinq petits degrez pour monter sur la muraille. Les quatre sont de pierre dans la grand place, & le 5. est de bois dans la Retraicte.

En ceste place estoient plus de trois cents Turcs, tous hommes de combat. Il y auoit abondance de viures, & de toutes munitions de guerre, & plusieurs pieces de grosse artillerie. Hors la place, enuiron cent cheuaux se pourmenoiēt çà & là: & dans le port estoient les deux Galeres, vn Carramussal & vn Brigantin Grec, avec quelque cent cinquante hommes de combat. Ils auoient retiré dans la forteresse tous les gens de rame.

Voicy l'ordre qui fut tenu & gardé en l'entreprise executée de petarder & escalader ceste forteresse. Tous les gens de guerre qui estoient descendus en terre furent partis en quatre troupes.


La premiere composée des compagnies de la

f. iij

*Quels gens
de guerre &
munitions
estoient dans
Agliman.*

*Ordre tenu
pour assaillir
Agliman.*

1613_088.jpg



1613_089.jpg

Seconde Continuation. 89

quetades de ceux de la ville pardeuant, de ceux des galeres par le derriere, & de ceux de la montagne en flanc, & avec tant de cris & de hurlements des Turcs, que beaucoup des siens s'en estoignerent, & particulièrement les mariniers qui portans les petards, les laisserent tomber pour prendre la fuite: Mais aussi-tost ils furent releuez par le Baron de Momberault, & le Tiel qui l'accompagnoit. Estans à quinze pas pres d'Agliman, le Comte rencontra dix huit ou vingt Turcs qui en sortoiēt, lesquels il chargea, & mist soudain en fuite: or au lieu de les poursuiure il tourna à la porte, & y donna la teste baissée, pensant la trouuer encore ouverte, mais les Turcs auoient fait diligence de la fermer. C'est pourquoy il luy fallut se seruir du petard qu'il commanda qu'on appliquast, lequel fut bien tost prest, mais non pas sans la mort & blessure de plusieurs, entre lesquels Dom Pierre de Medicis qui auoit fait l'honneur audit Comte de Candale de vouloir estre de la troupe, fut accablé de tant de coups de pierres qu'il tomba demy mort. Cepédant que lon se preparoit pour poser le petard, le Sergeant Major vint crier au Comte de Candale que tout estoit perdu, & qu'un gros de trois cents Mousquetaires venoit fondre sur luy. C'estoient les deux Beys qui estoient sortis des Galeres par la mauuaise garde des compagnies que Montauero auoit laissées pour leur faire teste, & empescher la descente. Si bien que le Comte fut forcé de prédre vne partie des siens

Image issue du site mercurefrancois.ehess.fr - Cliché (c) Cécile Soudan